

## 文档信息

 宋書  
 045 / 100  
 50 段 10939 字  
 464 种 925 个标注  
 繁体中文

## 列傳第五 宋書 045 卷四十五

[標] 沈約

[史部](#) / [正史](#) / [二十四史](#) / [宋書](#) / 045 卷四十五 列傳第五

## 本篇关键词

纪年	永初元年[420] 4	義熙八年[412] 2	元嘉二十七年[450] 1	義熙七年[411] 1	永初二年[422] 1			
	義熙三年[407] 1	景平元年[423] 1	泰豫元年[472] 1					
地点	金城 7	涪城 6	洛陽 5					
人物	鎮惡 67	高祖 59	道濟 34	方明 17	榮祖 11	休之 9	太祖 8	德願 7
文官	內史 6	太尉 5	郡太守 5					
武官	龍驤將軍 12	征虜將軍 10	中兵參軍 9	寧朔將軍 7	輔國將軍 7	諮議參軍 6	前將軍 6	
其他	追贈 9	世祖 8	免官 3					

[←044 卷四十四 列傳第四 謝晦](#)
[目錄](#)
[046 卷四十六 列傳第六→](#)

## 0 卷四十五 列傳第五

1 [王鎮惡](#) [檀韶](#) [向靖](#) [劉懷慎](#) [劉粹](#)

2 [王鎮惡](#)，北海劇人也。祖猛，字景略，苻堅僭號關中，猛為將相，有文武才，北土重之。父休，偽河東太守。

3 [鎮惡](#)以五月五日生，家人以俗忌，欲令出繼疏宗。猛見奇之，曰：「此非常兒，昔孟嘗君惡月生而相齊，是兒亦將興吾門矣。」故名之為[鎮惡](#)。年十三而苻氏敗亡，關中擾亂，流寓嶠、澗之間。嘗寄食澗池人李方家，方善遇之。謂方曰：「若遭遇英雄主，要取萬戶侯，當厚相報。」方答曰：「君丞相孫，人才如此，何患不富貴。至時願見用為本縣令足矣。」後隨叔父曜歸晉，客居荊州。頗讀諸子兵書，論軍國大事，騎乘非所長，關弓亦甚弱，而意略縱橫，果決能斷。

4 廣固之役，或薦[鎮惡](#)於高祖，時[鎮惡](#)為天門臨澧令，即遣召之。既至與語，甚異焉。因留宿。明旦謂諸佐曰：「[鎮惡](#)，王猛之孫，所謂將門有將也。」即以為青州治中從事史，行參中軍太尉軍事，署前部賊曹。拒盧循於查浦，屢戰有功，封博陸縣五等子。

5

高祖<sup>㊦</sup>謀討劉毅，鎮惡<sup>㊦</sup>曰：「公若有事西楚<sup>㊦</sup>，請賜給百舸為前驅<sup>㊦</sup>。」義熙八年<sup>[412]</sup>，劉毅有疾，求遣從弟<sup>㊦</sup>兗州刺史<sup>㊦</sup>藩為副貳，高祖<sup>㊦</sup>偽許之。九月，大軍西討，轉鎮惡<sup>㊦</sup>參軍事<sup>㊦</sup>，加振武將軍<sup>㊦</sup>。高祖<sup>㊦</sup>至姑孰，遣鎮惡<sup>㊦</sup>率龍驤將軍<sup>㊦</sup>蒯恩<sup>㊦</sup>百舸前發，其月二十九日也。戒之曰：「若賊知吾上，比軍至，亦當少日耳。政當岸上作軍，未辦便下船也。卿至彼，深加籌量，可擊，便燒其船艦，且浮舸水側，以待吾至。慰勞百姓，宣揚詔旨并赦文、及吾與衛軍府文武書。罪止一人，其餘一無所問。若賊都不知消息，未有備防，可襲便襲。今去，但云劉兗州<sup>㊦</sup>上。」鎮惡<sup>㊦</sup>受命，便晝夜兼行，於鵲洲、尋陽<sup>㊦</sup>、河口<sup>㊦</sup>、巴陵<sup>㊦</sup>守風凡四日，十月二十二日，至豫章<sup>㊦</sup>口，去江陵城<sup>㊦</sup>二十里。

- 6 自鎮惡<sup>㊦</sup>進路，揚聲劉兗州<sup>㊦</sup>上，毅謂為信然，不知見襲。鎮惡<sup>㊦</sup>自豫章<sup>㊦</sup>口捨船步上，蒯恩<sup>㊦</sup>軍在前，鎮惡<sup>㊦</sup>次之。舸留一二人，對舸岸上豎六七旗，下輒安一鼓。語所留人：「計我將至城，便長嚴，令如後有大軍狀。」又分隊在後，令燒江津<sup>㊦</sup>船艦。鎮惡<sup>㊦</sup>逕前襲城，語前軍：「若有問者，但云劉兗州<sup>㊦</sup>至。」津戍及百姓皆言劉藩實上，晏然不疑。
- 7 未至城五六里，逢毅要將朱顯之<sup>㊦</sup>，與十許騎，步從者數十，欲出江津<sup>㊦</sup>。問是何人，答云：「劉兗州<sup>㊦</sup>至。」顯之馳前問藩在所，答云：「在後。」顯之既見軍不見藩，而見軍人擔彭排<sup>㊦</sup>戰具，望見江津<sup>㊦</sup>船艦已被燒，煙焰張天，而鼓嚴之聲甚盛，知非藩上，便躍馬馳去告毅：「外有大軍，似從下上，垂已至城，江津<sup>㊦</sup>船悉被火燒矣。」行令閉諸城門。鎮惡<sup>㊦</sup>亦馳進，軍人緣城得入，門猶未及下關，因得開大城東門。大城內，毅凡有八隊，帶甲<sup>㊦</sup>千餘，已得戒嚴<sup>㊦</sup>。蒯恩<sup>㊦</sup>入東門，便北回擊射堂，前攻金城<sup>㊦</sup>東門。鎮惡<sup>㊦</sup>入東門，便直擊金城<sup>㊦</sup>西門。軍分攻金城<sup>㊦</sup>南門。毅金城<sup>㊦</sup>內東從舊將，猶有六隊千餘人，西將及能細直吏快手，復有二千餘人。食時就門，至中晡，西人退散及歸降略盡。鎮惡<sup>㊦</sup>入城，便因風放火，燒大城南門及東門。又遣人以詔及赦文并高祖<sup>㊦</sup>手書凡三函示毅，毅皆燒不視。金城<sup>㊦</sup>內亦未信高祖<sup>㊦</sup>自來。有王桓者，家在江陵<sup>㊦</sup>，昔手斬桓謙，為高祖<sup>㊦</sup>所賞拔，常在左右。求還西迎家，至是率十餘人助鎮惡<sup>㊦</sup>戰。下晡間，於金城<sup>㊦</sup>東門北三十步鑿城作一穴，桓便先眾入穴，鎮惡<sup>㊦</sup>自後繼之，隨者稍多，因短兵接戰。鎮惡<sup>㊦</sup>軍人與毅東來將士，或有是父兄子<sup>㊦</sup>弟中表親親者，鎮惡<sup>㊦</sup>令且鬥且共語，眾並知高祖<sup>㊦</sup>自來，人情離懈。一更許，聽事前陣散潰，斬毅勇將趙蔡。毅左右兵猶閉東西閣拒戰，鎮惡<sup>㊦</sup>慮闇夜自相傷犯，乃引軍出，繞金城<sup>㊦</sup>，開其南面，以為退路。毅慮南有伏兵<sup>㊦</sup>，三更中，率左右三百許人開北門突出。初，毅常所乘馬在城外不得入，倉卒無馬，毅便就子肅民取馬，肅民不與。朱顯之<sup>㊦</sup>謂曰：「人取汝父，而惜馬不與，汝今自走，欲何之？」奪馬以授毅。初出，政值鎮惡<sup>㊦</sup>軍，衝之<sup>㊦</sup>不得去；回衝蒯恩<sup>㊦</sup>軍，軍人鬥已一日，疲倦，毅得從大城東門出奔牛牧佛寺<sup>㊦</sup>，自縊死。鎮惡<sup>㊦</sup>身被五箭，射鎮惡<sup>㊦</sup>手所執槊，於手中破折。江陵<sup>㊦</sup>平後二十日，大軍方至。
- 8 署中兵<sup>㊦</sup>，出為安遠護軍<sup>㊦</sup>、武陵內史<sup>㊦</sup>。以討劉毅功，封漢壽縣子<sup>㊦</sup>，食邑五百戶。蠻帥向博抵根據阮頭，屢為凶暴，鎮惡<sup>㊦</sup>討平之。初行，告刺史<sup>㊦</sup>司馬<sup>㊦</sup>休之<sup>㊦</sup>，求遣軍以為聲援，休之<sup>㊦</sup>遣其將朱襄領眾助鎮惡<sup>㊦</sup>。會高祖<sup>㊦</sup>西討休之<sup>㊦</sup>，鎮惡<sup>㊦</sup>乃告諸將曰：「百姓皆知官軍已上，朱襄等復是一賊，表裏受敵，吾事敗矣。」乃率軍夜下，江水迅急，倏忽行數百里，直據都尉<sup>㊦</sup>治。既至，乃以竹籠盛石，埋塞水道，襄軍下，夾岸擊之，斬襄首，殺千餘人。鎮惡<sup>㊦</sup>性貪，既破襄，因停軍抄掠諸蠻，不時反。及至江陵<sup>㊦</sup>，休之<sup>㊦</sup>已平，高祖<sup>㊦</sup>怒，不時見之。鎮惡<sup>㊦</sup>笑曰：「但令我一見公，無憂矣。」高祖<sup>㊦</sup>尋登城喚鎮惡<sup>㊦</sup>，鎮惡<sup>㊦</sup>為人強辯，有口機，隨宜酬應，高祖<sup>㊦</sup>乃釋。休之<sup>㊦</sup>及魯宗之<sup>㊦</sup>奔襄陽<sup>㊦</sup>，鎮惡<sup>㊦</sup>統蒯恩<sup>㊦</sup>諸軍水路追之，休之<sup>㊦</sup>等奔羌，鎮惡<sup>㊦</sup>追躡，盡境而還。除游擊將軍<sup>㊦</sup>。
- 9 十二年，高祖<sup>㊦</sup>將北伐，轉鎮惡<sup>㊦</sup>為諮議參軍<sup>㊦</sup>，行龍驤將軍<sup>㊦</sup>，領前鋒<sup>㊦</sup>。將發，前將軍<sup>㊦</sup>劉穆之<sup>㊦</sup>見鎮惡<sup>㊦</sup>於積弩<sup>㊦</sup>堂，謂之曰：「公愍此遺黎，志蕩逋逆。昔晉文王<sup>㊦</sup>委伐蜀於鄧艾，今亦委卿以關中，想勉建大功，勿孤此授。」鎮惡<sup>㊦</sup>曰：「不剋咸陽<sup>㊦</sup>，誓不復濟江而還也！」

鎮惡入賊境，戰無不捷，邵陵、許昌，望風奔散，破虎牢及柏谷塢，斬賊帥趙玄。軍次洛陽，偽陳留公姚洸歸順。進次澗池，造故人李方家，升堂見母，厚加酬賚，即版授方為澗池令。遣司馬毛德祖攻偽弘農太守尹雅於蠡城，生擒之。仍行弘農太守。方軌長驅，徑據潼關。偽大將軍姚紹率大眾拒嶮，深溝高壘以自固。鎮惡懸軍遠入，轉輸不充，與賊相持久，將士乏食，乃親到弘農督上民租，百姓競送義粟，軍食復振。初，高祖與鎮惡等期，若剋洛陽，須大軍至，未可輕前。既而鎮惡等逕向潼關，為紹所拒不得進，而軍又乏食，馳告高祖，求遣糧援。時高祖沿河，索虜屯據河岸，軍不得前。高祖呼所遣人開舫北戶，指河上虜示之曰：「我語令勿進，而輕佻深入。岸上如此，何由得遣軍？」鎮惡既得義租，紹又病死，偽撫軍姚讚代紹守險，眾力猶盛。高祖至湖城，讚引退。

- 11 大軍次潼關，謀進取之計，鎮惡請率水軍自河入渭。偽鎮北將軍姚強屯兵涇上，鎮惡遣毛德祖擊破之，直至渭橋。鎮惡所乘皆蒙衝小艦，行船者悉在艦內，羌見艦泝渭而進，艦外不見有乘行船人，北土素無舟楫，莫不驚惋，咸謂為神。鎮惡既至，令將士食畢，便棄船登岸。渭水流急，倏忽間，諸艦悉逐流去。時姚泓屯軍在長安城北門外，去家萬里，而舫乘衣糧，並已逐流去，豈復有求生之計邪！唯宜死戰，可以立大功，不然，則無遺類矣。」乃身先士卒，眾亦知無復退路，莫不騰踊爭先，泓眾一時奔潰，即陷長安城。泓挺身逃走，明日，率妻子歸降。城內夷、晉六萬餘戶，鎮惡宣揚國恩，撫慰初附，號令嚴肅，百姓安堵。
- 12 高祖將至，鎮惡於灊上奉迎，高祖勞之曰：「成吾霸業者，真卿也。」鎮惡再拜謝曰：「此明公之威，諸將之力，鎮惡何功之有焉！」高祖笑曰：「卿欲學馮異也。」是時關中豐全，倉庫殷積，鎮惡極意收斂，子女玉帛，不可勝計。高祖以其功大，不問也。進號征虜將軍。時有白高祖以鎮惡既克長安，藏姚泓偽輦，為有異志。高祖密遣人覘輦所在，泓輦飾以金銀，鎮惡悉別取，而棄輦於垣側。高祖聞之，乃安。
- 13 高祖留第二子桂陽公義真為安西將軍、雍秦二州刺史，鎮長安。鎮惡以本號領安西司馬、馮翊太守，委以扞禦之任。時西虜佛佛強盛，姚興世侵擾北邊，破軍殺將非一。高祖既至長安，佛佛畏憚不敢動。及大軍東還，便寇逼北地。義真遣中兵參軍沈田子距之。虜甚盛，田子屯劉回堡，遣使還報鎮惡。鎮惡對田子使，謂長史王脩曰：「公以十歲兒付吾等，當各思竭力，而擁兵不進，寇虜何由得平。」使還，具說鎮惡言，田子素與鎮惡不協，至是益激怒。二人常有相圖志，彼此每相防疑。鎮惡率軍出北地，為田子所殺，事在序傳。時年四十六。田子又於鎮惡營內，殺鎮惡兄基、弟鴻、遵、淵及從弟昭、朗、弘，凡七人。是歲，十四年正月十五日也。
- 14 高祖表曰：「故安西司馬、征虜將軍王鎮惡，志節亮直，機略明舉。自策名州府，屢著誠績。荆南遘釁，勢據上流，難興強蕃，憂兼內侮。鎮惡輕舟先邁，神兵電臨，旰食之虞，一朝霧散。及王師西伐，有事中原，長驅洛陽，肅清湖、陝。入渭之捷，指麾無前，遂廓定咸陽，俘執偽后，克成之效，莫與為疇，實扞城所寄，國之方邵也。近北虜遊魂，寇掠渭北，統率眾軍，曜威撲討。賊既還奔，還次涇上，故龍驤將軍沈田子忽發狂易，奄加刃害，忠勳未究，受禍不圖，痛惜兼至，惋悼無已，伏惟聖懷，為之傷惻。田子狂悖，即已備憲。鎮惡誠著艱難，勳參前烈，殊績未酬，宜蒙追寵，願救有司，議其褒贈。」於是追贈左將軍、青州刺史。高祖受命，追封龍陽縣侯，食邑千五百戶，諡曰壯侯。配食高祖廟廷。

15 子靈福嗣，位至南平王。鑠右軍諮議參軍。靈福卒，子述祖嗣。述祖卒，子叡嗣。齊受禪，國除。

**鎮惡**弟康，留關中，及**高祖**北伐，**鎮惡**為**前鋒**，康逃匿田舍。**鎮惡**次潼關，康將家奔之，**高祖**板為**彭城公****前將軍****行參軍**。**鎮惡**被害，康逃藏得免，攜家出洛陽，到彭城，歸**高祖**。即以康為相國**行參軍**。求還洛陽視母，尋值關、陝不守，康與長安徙民張旰醜、劉雲等唱集義徒，得百許人，驅率邑郭僑戶七百餘家，共保金墉城，為守戰之備。時有一人邵平，率部曲及并州乞活一千餘戶屯城南，迎亡命司馬文榮為主。又有亡命司馬道恭自東垣率三千人屯城西，亡命司馬順明五千人屯陵雲臺。順明遣刺殺文榮，平復推順明為主。又有司馬楚之屯柏谷塢，索虜野阪**戍主**黑眊公遊騎在芒上，攻逼交至，康堅守六旬。宋臺建，除康**寧朔將軍**、**河東太守**。遣**龍驤將軍**姜□率軍救之，諸亡命並各奔散。**高祖**嘉康節，封**西平縣男**，食邑三百戶，進號**龍驤將軍**。迎康家還京邑。勸課農桑，百姓甚親賴之。**永初元年**<sup>[420]</sup>卒金墉，時年四十九，葬於偃師城西。追贈**輔國將軍**。無子，以兄**河西太守**基子天祐嗣。當**太祖****元嘉二十七年**<sup>[450]</sup>，隨**劉康祖**伐索虜敗沒，子懷祖嗣。

17 **檀韶**字**令孫**，高平金鄉人也。世居京口。初辟本州從事，西曹主簿，輔國司馬。**高祖**建義，韶及弟祗、**道濟**等從平京城，行參**高祖****建武將軍**事。都邑既平，為鎮軍參軍，加**寧遠將軍**、**東海太守**，進號**建武將軍**，遷**龍驤將軍**、**秦郡太守**，北陳留內史。以平桓玄功，封**巴丘縣侯**，食邑五百戶。復參**車騎將軍**事，加**龍驤將軍**，遷**驍騎將軍**，**中軍****諮議參軍**，加**寧朔將軍**。

18 從征廣固，率向彌、**胡藩**等五十人攻臨朐城，克之。及圍廣固，**慕容超**夜燒樓當韶圍分，降號**橫野將軍**。城陷之日，韶率所領先登，領北琅邪太守，進號**寧朔將軍**、琅邪內史。從討盧循於左里，又有戰功，并論廣固功，更封**宜陽縣侯**，食邑七百戶，降先封一等為伯，減戶之半二百五十戶，賜祗子臻。坐六門內乘輿，白衣領職。**義熙七年**<sup>[411]</sup>，號**輔國將軍**。**八年**，丁母憂，起為**冠軍將軍**。**明年**，復為琅邪內史，**淮南太守**，將軍如故。鎮姑孰。尋進號**左將軍**，領本州大中正。**十二年**，遷督江州豫州之西陽新蔡二郡諸軍事、**江州刺史**，將軍如故。有罪，免官。**高祖**受命，以佐命功，增八百戶，并前千五百戶。韶嗜酒貪橫，所蒞無績，上嘉其合門從義，弟**道濟**又有大功，故特見寵授。**永初二年**<sup>[422]</sup>，卒於京邑，時年五十六。追贈**安南將軍**，加散騎常侍。

19 子緒嗣。緒卒，無子，國除。祗子臻。臻卒，子遐嗣，齊受禪，國除。祗、弟**道濟**並別有傳。

20 **向靖**字奉仁，小字彌，河內山陽人也。名與**高祖**祖諱同，改稱小字。世居京口，與**高祖**少舊。從平京城，參建武軍事。進平京邑，板參鎮軍軍事，加**寧遠將軍**。京邑雖平，而群寇互起，彌與劉藩、**孟龍符**征破桓歆、桓石康、石綏於白茅，攻壽陽剋之。**義熙三年**<sup>[407]</sup>，遷**建武將軍**、**秦郡太守**，北陳留內史，戍堂邑。以平京城功，封山陽縣五等侯。

21 從征鮮卑，大戰於臨朐，累月不決。彌與**檀韶**等分軍自間道攻臨朐城。彌擐甲先登，即時潰陷，斬其牙旗，賊遂奔走。攻拔廣固，彌又先登。盧循屯據蔡洲，以親黨阮賜為**豫州刺史**，攻逼姑孰。彌率譙國內史趙恢討之。時**輔國將軍****毛脩之**戍姑孰，告急續至，彌兼行進討，破賜，收其輜重。除**中軍****諮議參軍**，將軍如故。盧循退走，**高祖**南征，彌為**前鋒**，於南陵、雷池、左里三戰，並大捷。軍還，除太尉**諮議參軍**、**下邳太守**，將軍如故。**八年**，轉**游擊將軍**，尋督馬頭淮西諸郡軍事、**龍驤將軍**、**鎮蠻護軍**、**安豐汝陰二郡太守**、**梁國內史**，戍壽陽。以平廣固、盧循功，封**安南縣男**，食邑五百戶。**十年**，遷**冠軍將軍**、**高陽內史**，**臨淮太守**，領石頭戍事。**高祖**西伐司馬**休之**，以彌為**吳興太守**，將軍如故。**明年**，**高祖**北伐，彌以本號侍從，留戍碭碭，進屯石門、柏谷。遷督北青州諸軍事、**北青州刺史**，將軍如故。**高祖**受命，以佐命功，封**曲江縣侯**，食邑千戶。遷**太子左衛率**，加散騎常侍。**二年**，卒官。時年五十九。追贈**前將軍**。彌治身儉約，不營室宇，無園田商貨之業，時人稱之。

- 22 子植嗣，多過失，不受母訓，**奪爵**。更以植次弟楨紹封，又坐殺人，國除。
- 23 植弟柳，字玄季，有學義才能，立身方雅，無所推先，諸盛流並容之。太尉**袁淑**、司空**徐湛之**、東揚州刺史**顏竣**皆與友善。歷始興王**濬**征北**中兵參軍**，始興內史，南康相。**臧質**為逆，召柳至尋陽，與之俱下。質敗歸降，下獄死。
- 24 彌弟劭，永初中，為宣城太守。劭弟子亮，以私忿殺彌妻**施氏**，託云奴客所殺，劭輒於墓所殺亮及彌妾并**奴婢**七八人，匿不聞官，為有司所奏，詔無所問。元嘉初，卒於義興太守。
- 25 **劉懷慎**，彭城人，左將軍**懷肅**弟也。少謹慎質直。始參高祖**鎮軍將軍**事，**振威將軍**、彭城內史。從征鮮卑，每戰必身先士卒，及克廣固，**懷慎**率所領先登。從高祖距盧循於石頭，屢戰克捷，加**輔國將軍**。義熙八年<sup>[412]</sup>，以本號監北徐州諸軍事，鎮彭城。尋加徐州刺史。為政嚴猛，境內震肅。九年，亡命王靈秀為寇，討平之。十一年，進北中郎將。以平廣固、盧循功，封南城縣男，食邑五百戶。十三年，高祖北伐，以為**中領軍**、**征虜將軍**，衛輦轂。坐府中相殺，免官。雖名位轉優，而恭恪愈至，每所之造位任不踰己者，皆束帶門外下車，其謹退類如此。宋臺立，召為**五兵尚書**，仍督江北淮南諸軍、**前將軍**、南青州刺史。復徵為度支尚書，加**散騎常侍**。高祖遷都壽春，留**懷慎**督北徐兗青淮北諸軍事、**中軍將軍**、徐州刺史。以亡命入廣陵城，降號**征虜將軍**。永初元年<sup>[420]</sup>，以佐命功，進爵為侯，增邑千戶。進號**平北將軍**。徵為**五兵尚書**，加**散騎常侍**，**光祿大夫**。景平元年<sup>[423]</sup>，遷**護軍將軍**，常侍如故。祿賜班於宗族，家無餘財。二年卒，時年六十一。追贈**撫軍**，諡曰肅侯。
- 26 子**德願**嗣。世祖大明初，為**游擊將軍**，領石頭戍事。坐受賈客韓佛智貨，下獄，**奪爵**，後復為秦郡太守。**德願**性粗率，為世祖所狎侮。上寵姬**殷貴妃**薨，葬畢，數與群臣至殷墓。謂**德願**曰：「卿哭**貴妃**若悲，當加厚賞。」**德願**應聲便號慟，撫膺擗踊，涕泗交流。上甚悅，以為豫州刺史。又令醫術人羊志哭**殷氏**，志亦嗚咽。他日有問志：「卿那得此副急淚？」志時新喪愛姬，答曰：「我爾日自哭亡妾耳。」志滑稽善為諧謔，上亦愛狎之。**德願**善御車，嘗立兩柱，使其中劣通車軸，乃於百餘步上振轡長驅，未至數尺，打牛奔從柱間直過，其精如此。世祖聞其能，為之乘畫輪車，幸太宰江夏王**義恭**第。**德願**岸著籠冠，短朱衣，執轡進止，甚有容狀。永光中，為廷尉，與**柳元景**厚善。**元景**敗，下獄誅。
- 27 **懷慎**庶長子**榮祖**，少好騎射，為高祖所知。及盧循攻逼，時賊乘小艦，入淮拔柵。高祖宣令三軍，不得輒射賊，**榮祖**不勝憤怒，冒禁射之，所中應弦而倒，帝益奇焉。以戰功參太尉軍事。從討司馬**休之**，彭城內史**徐達之**敗沒，諸將意沮，**榮祖**請戰愈厲，高祖乃解所著鎧以授之。**榮祖**率所領陷陣，身被數創，會賊破走。加**振威將軍**，尋參世子征虜軍事，領遂成令。高祖北伐，轉鎮西**中兵參軍**，**寧遠將軍**。水軍入河，與**朱超石**大破索虜於半城，又攻劉度壘克之。高祖大饗戰士，謂**榮祖**曰：「卿以寡克眾，攻無堅城，雖古名將，何以過此。」轉為太尉**中兵參軍**，加**建威將軍**。既破長安，姚泓女嬪**徐眾**率其餘眾連營叛走，**榮祖**與**檀道濟**等攻營破之，斬首擒馘，不可稱計。十四年，除彭城內史，又補相國參軍。其年，遣**榮祖**還都，為世子**中兵參軍**。永初元年<sup>[420]</sup>，除**越騎校尉**，尋轉**右軍將軍**。索虜南寇，司州刺史**毛德祖**陷沒，**榮祖**時居父艱，起為**輔國將軍**。追論半城之功，賜爵都鄉侯。**榮祖**為人輕財貴義，善撫將士，然性偏險褊隘，頗失士君子之心。**領軍將軍****謝晦**深接待之，廢立之際，要**榮祖**，固辭獲免。及晦出鎮荆楚，欲請為**南蠻校尉**，**榮祖**又固止之。其年冬卒。**德願**弟**興祖**，青州刺史。
- 28 **懷慎**弟**懷默**，**冠軍將軍**、江夏內史，太中大夫。**懷默**子**道球**，巴東、建平二郡太守。

**道球**弟**孫登**，**武陵內史**。孫登子亮，**世祖**大明中，為**武康令**。時境內多盜鑄錢，亮掩討無不禽，所殺以千數。太宗泰始初，為**巴陵王**休若鎮**東中兵參軍**，北伐南討，功冠諸將，封**順陽縣侯**，食邑六百戶。歷**黃門郎**，**梁、益二州刺史**。在任廉儉，不營財貨，所餘公祿，悉以還官。太宗嘉之，下詔褒美。亮在**梁州**，忽服食修道，欲致**長生**。迎**武當山**道士孫道胤，令合仙藥。至**益州**，泰豫元年<sup>[472]</sup>藥始成，而未出火毒。孫不聽亮服，亮苦欲服，平旦開城門取井華水服，至食鼓後，心動如刺，中間便絕。後人逢見，乘**白馬**，將數十人，出關西行，共語分明，此乃道家所謂**尸解**者也。追贈**冠軍將軍**，諡曰**剛侯**。

30 **孫登**弟**道隆**，元嘉二十二年<sup>[445]</sup>，為**廬江太守**。世祖舉義，棄郡來奔，以補**南中郎參軍事**，加**龍驤將軍**。時世祖分麾下以為三幢，道隆與**中兵參軍**王謙之、**馬文恭**各領其一。大明中，歷**黃門侍郎**，**徐、青、冀三州刺史**。前廢帝景和中，以為**右衛將軍**，**永昌縣侯**，食邑五百戶，委以腹心之任。泰始初，為太宗盡力，遷**左衛將軍**，**中護軍**，尋賜死，事在**建安王**休仁傳。

31 **王謙之**字休光，琅邪臨沂人。晉**司州刺史**胡之曾孫也。世祖初，歷**驍騎將軍**，**御史中丞**，**吳興太守**。以南下之功，封**石陽縣子**，食邑五百戶。大明三年<sup>[459]</sup>卒，贈**前將軍**，諡曰**肅**。子**應之**嗣。大明末，為**衡陽內史**。晉安王子勛反，應之起義拒**湘州**行事何慧文，為慧文所殺，事在**鄧琬**傳，追贈**侍中**。應之弟雲之，**順帝**昇明中貴達。

32 **馬文恭**，扶風人也。亦以功封**泉陵縣子**，食邑五百戶。世祖即位，為**游擊將軍**。頃之卒。

33 **劉粹**字道冲，沛郡蕭人也。祖恢，持節、監河中軍事，**征虜將軍**。粹家在京口。少有志幹，初為**州從事**，高祖克京城，參建武軍事。從平京邑，轉參鎮軍事，尋加**建武將軍**、**沛郡太守**，又領下邳太守。復為車騎**中軍**參軍。從征廣固，戰功居多。以建義功，封**西安縣**五等侯。軍還，轉**中軍諮議參軍**。盧循逼京邑，京口任重，太祖時年四歲，高祖使粹奉太祖鎮京城。轉**游擊將軍**。

34 遷**建威將軍**、**江夏相**。**衛將軍**毅，粹族兄也，粹盡心高祖，不與毅同。高祖欲謀毅，眾並疑粹在夏口，高祖愈信之。及大軍至，粹竭其誠力。事平，封**灑陽縣男**，食邑五百戶。母憂去職。俄而高祖討司馬**休之**，起粹為**寧朔將軍**、**竟陵太守**，統水軍入河。明年，進號**輔國將軍**，遷相國**右司馬**、**侍中**、**中軍司馬**、**冠軍將軍**，遷**左衛將軍**。永初元年<sup>[420]</sup>，以佐命功，改封**建安縣侯**，食邑千戶。二年，以役使監吏，免官。尋督江北淮南郡事、**征虜將軍**、**廣陵太守**。三年，以本號督豫司雍并四州南豫州之梁郡弋陽馬頭三郡諸軍事、**豫州刺史**，領**梁郡太守**，鎮**壽陽**，治有政績。

35 少帝**景平二年**<sup>[424]</sup>，譙郡流離六十餘家叛沒虜，趙昊、秦剛等六家悔倍還投陳留襄邑縣，頓謀等村，粹遣將苑縱夫討叛戶不及，因誅殺謀等三十家，男丁一百三十七人，女弱一百六十二口，收付作部。粹坐貶號為**寧朔將軍**。時索虜南寇，粹遣將軍**李元德**襲許昌，殺偽**潁川太守**庾龍，於是陳留人董邈自稱小黃盟主，斬偽**征虜將軍**、**廣州刺史**司馬世賢，傳首京都。

36 太祖即位，遷使持節、督雍梁南北秦四州荊州之南陽竟陵順陽襄陽新野隨六郡諸軍事、**征虜將軍**、領**寧蠻校尉**、**雍州刺史**、**襄陽新野二郡太守**。在任簡役愛民，罷諸沙門二千餘人，以補府史。元嘉三年<sup>[426]</sup>討**謝晦**，遣粹弟車騎**從事中郎**道濟、**龍驤將軍**沈攸之就粹，自陸道向江陵。粹以道濟行**竟陵內史**，與攸之及南陽太守沈道興步騎至沙橋，為晦司馬**周超**所敗，士眾傷死者過半，降號**寧朔將軍**。初，晦與粹厚善，以粹子曠之為參軍，粹受命南討，一無所顧，太祖以此嘉之。晦遣送曠之還粹，亦不害也。明年，粹卒，時年五十三。追贈**安北將軍**，持節、本官如故。

- 37 曠之嗣，官至晉熙太守<sup>文</sup>。曠之卒，子琛嗣。琛卒，無子，國除。琛弟亮，順帝<sup>帝</sup>昇明末，尚書駕部郎<sup>文</sup>。粹庶長子<sup>文</sup>懷之，為臨川內史<sup>文</sup>，與臧質<sup>文</sup>同逆，伏誅。
- 38 粹弟道濟<sup>文</sup>，尚書起部郎<sup>文</sup>，王弘<sup>文</sup>車騎從事中郎<sup>文</sup>，江夏王義恭<sup>文</sup>撫軍司馬<sup>文</sup>，河東太守<sup>文</sup>，仍遷振武將軍<sup>文</sup>、益州刺史<sup>文</sup>。長史費謙、別駕張熙、參軍楊德年等，並聚斂興利，而道濟<sup>文</sup>委任之，傷害民，民皆怨毒。太祖<sup>帝</sup>聞之，與道濟<sup>文</sup>詔，戒之曰：「聞卿在任，未盡清省，又頗為殖貨，若萬一有此，必宜改之。比傳人情不甚緝諧，當以法御下，深思自警，以副本望。」道濟<sup>文</sup>雖奉此旨，政化如初。
- 39 有司馬飛龍者，自稱晉之宗室<sup>地</sup>，晉末走仇池<sup>地</sup>。元嘉九年<sup>[432]</sup>，聞道濟<sup>文</sup>綏撫失和，遂自仇池<sup>地</sup>入綿竹，崩<sup>動</sup>動群小，得千餘人，破巴興縣<sup>地</sup>，殺令王貞之<sup>文</sup>。進攻陰平，陰平太守<sup>文</sup>沈法興<sup>文</sup>焚城遁走。道濟<sup>文</sup>遣軍擊飛龍斬之。初，道濟<sup>文</sup>以五城人帛氏奴、梁顯為參軍督護<sup>文</sup>，費謙固執不與。遠方商人多至蜀土資貨，或有直數百萬者，謙等限布絲綿各不得過五十斤，馬無善惡，限蜀錢二萬。府又立冶，一斷民私鼓鑄，而貴賣鐵器，商旅吁嗟，百姓咸欲為亂。氏奴既懷恚忿，因聚黨為盜賊。其年七月，道濟<sup>文</sup>遣羅習為五城令，氏奴等謀曰：「羅令是使君腹心，而卿猶有作賊盜<sup>文</sup>不止者，一旦發露，則為禍不測。宜結要誓，共相禁檢。」乃殺牛盟誓。俄而氏奴及趙廣等唱曰：「官禁殺牛，而村中公違法禁，脫使羅令白使君，疑吾徒更欲作賊，則無餘類矣。」因詐言司馬殿下猶在陽泉山<sup>地</sup>中，若能共建大事，則功名可立；不然，立滅不久。眾既樂亂，因相率從之，得數千人，復向廣漢。道濟<sup>文</sup>遣參軍程展會、洽中<sup>文</sup>李抗之五百人擊之，並為所殺。賊於是逕向涪城<sup>地</sup>，巴西人唐頻聚眾應之<sup>文</sup>，寧遠將軍<sup>文</sup>、巴西梓潼二郡太守<sup>文</sup>王懷業再遣軍拒之，戰敗失利。懷業及司馬、南漢<sup>文</sup>中太守<sup>文</sup>韋處伯並棄城走。涪陵太守<sup>文</sup>阮惠、江陽太守<sup>文</sup>杜玄起、遂寧太守<sup>文</sup>馮遷聞涪城<sup>地</sup>不守，並委郡出奔。蜀土僑舊，翕然並反。道濟<sup>文</sup>惶懼，乃免吳兵三十六營以為平民，分立宋興、宋寧二郡，又招集商賈及免道俗奴僮，東西勝兵可有四千人。賊眾數萬屯城西及城北，道濟<sup>文</sup>嬰城自守。
- 40 趙廣本以譎詐聚兵，頓兵城下，不見飛龍，各欲分散。廣懼，乃將三千人及羽儀，詐其眾云迎飛龍。至陽泉<sup>地</sup>寺中，謂道人程道養曰：「但自言是飛龍，則坐享富貴；若不從，即日便斬頭。」道養惶怖許諾。道養，枹罕人也。廣改名為龍興，號為蜀王、車騎大將軍<sup>文</sup>、益梁二州牧<sup>文</sup>，建號泰始元年<sup>[465]</sup>，備置百官。以道養弟道助為驃騎將軍<sup>文</sup>、長沙王，鎮涪城<sup>地</sup>。廣自號鎮軍，帛氏奴征虜將軍<sup>文</sup>，梁顯鎮北將軍<sup>文</sup>，同黨大帥<sup>文</sup>張寧秦州刺史<sup>文</sup>，嚴遐前將軍<sup>文</sup>。奉道養還成都<sup>地</sup>，眾十餘萬，四面圍城。就道濟<sup>文</sup>索費謙、張熙，曰：「但送此人來，我等自不復作<sup>文</sup>賊。」
- 41 道濟<sup>文</sup>遣中兵參軍<sup>文</sup>裴方明<sup>文</sup>、任浪之各將千餘人出西門戰，皆失利。十一月，方明<sup>文</sup>等復出戰，破賊營，焚其積聚。賊黨江陽<sup>地</sup>人楊孟子<sup>文</sup>領千餘人屯城南，道濟<sup>文</sup>參軍梁雋之統南樓，屢與孟子<sup>文</sup>交言，因投書曉以禍福，要使入城。孟子<sup>文</sup>許諾，入見道濟<sup>文</sup>，道濟<sup>文</sup>大喜，即板為主簿<sup>文</sup>，遣子為任，克期討賊。趙廣知其謀，孟子<sup>文</sup>懼，將所領奔晉原<sup>地</sup>。晉原太守<sup>文</sup>文仲興拾合得二千餘人，與孟子<sup>文</sup>并力自固。廣遣同黨袁玄子攻晉原<sup>地</sup>，為仲興所殺。廣又遣帛氏奴攻之，連戰，仲興軍敗，及孟子<sup>文</sup>並死。
- 42 方明<sup>文</sup>復出東門，破賊三營，斬首<sup>文</sup>數百級。賊雖敗，已復還合。方明<sup>文</sup>復偽出北門，仍回軍擊城東大營，殺千餘人，斬偽僕射<sup>文</sup>蔡滔。時天大霧，方明<sup>文</sup>等復揚聲出東門，而潛自北門出攻城北城西諸營，賊眾大潰，於是奔散。道養收合得七千人還廣漢，趙廣以別卒五千餘人還涪城<sup>地</sup>。

初，別駕張熙說道濟令糶太倉穀，賊以九月末圍城，至十二月末，廩糧便盡。方明將二千人出城求食，為賊所敗，匹馬獨還。賊因追之，眾復大集。方明夜於城西縋上，道濟為設食，饑不能餐，唯泣涕而已。道濟時有疾已篤，自力慰勉之曰：「卿非大丈夫，小敗何苦。賊勢既衰，臺兵垂至，但令卿還，何憂於賊。」即減左右數十人配之。賊城外云：「方明已死，可來取喪。」城中大恐。道濟夜列炬火，方明自出，眾見之乃安。道濟悉出財物於北射堂，令方明募人。時城中或傳道濟已亡，莫有至者。梁雋之說道濟曰：「將軍氣息綿綿，而外論互有同異。今軍師屢敗，妖寇未殄，若一旦不虞，則危禍立至。宜稱小損，聽左右給使暫出，不然敗矣。」道濟從之，即喚左右三十餘人告之曰：「吾疾久，汝等扶侍疲勞。今既小損，各聽歸家休息，喚復還。」給使既出，其父兄皆問：「使君亡來幾日？」子弟皆言：「君漸差，誰言亡者！」傳相告語，城內乃安，由是應募者一日千餘人。十年正月，賊眾大至，攻逼成都。道濟卒，梁雋之與方明等，及其故舊門生數人，共埋尸於後齋。使書與道濟相似者為教命，酬答籤疏，不異常日，故雖母妻，不知也。

- 44 二月，道養於毀金橋升壇郊天，方就柴燎，方明將三千人出擊之。賊列陣營前死戰，日夕乃大敗。臨陣斬偽征虜將軍趙石之等八百餘級，道養等退保廣漢。是月，平西將軍臨川王義慶，以揚武將軍、巴東太守周籍之即本號督巴西梓潼宕渠遂寧巴郡五郡諸軍事、巴西梓潼二郡太守，率平西參軍費淡、龍驤將軍羅猛二千人援成都。廣等屯據廣漢，分守郫川，連營百數，處處屯結。籍之與方明及費淡等攻郫，剋之。廣等退據郡城，傍竹自固。羅猛率隊主王盱等并力追討。張尋自涪城率眾二萬來助廣等，方明、淡斬竹開逕邀之，戰敗，退還郫縣。廣等又移營屯箭竿橋，方明等破其六營，乘勝追奔，逕至廣漢。廣等走還涪及五城。四月十日，發道濟喪。五月，方明進軍向涪城。張尋、唐頻渡水拒戰，方明擊破之，生擒偽驃騎將軍、雍秦二州刺史司馬龍仲斬之。龍仲，道助也。州吏嚴道度斬嚴遐首，廣等並奔散，涪、蜀皆平。俄而張尋攻破陰平，復與道養合。帛氏奴攻廣漢，費淡督將軍种松等與戰，斬其梁州刺史杜承等百餘級。
- 45 九月，益州刺史甄法崇至成都，誅費謙之，道濟喪及方明等並東反。道養等領二千餘家逃于郫山，其餘群賊，亦各擁戶藏竄，出為寇盜不絕。
- 46 十三年六月，太祖遣寧朔將軍蕭汪之統軍討之。軍次郫口，帛氏奴斬偽衛將軍司馬飛燕歸降。汪之擊破道養，道養還入郫山。十四年四月，趙廣、張尋、梁顯各率部曲歸降，偽輔國將軍王道恩斬道養，送首，餘黨悉平。遷趙廣、張尋等於京師。十六年，廣、尋復與國山令司馬敬琳謀反，伏誅。
- 47 先是，道濟振武司馬、蜀郡太守任蒼之雖不任軍事，事寧，以為正員郎。裴方明虎賁中郎將，仍為義慶平西中兵參軍、龍驤將軍、河東太守。費淡，太子屯騎校尉。周籍之後為益州刺史。
- 48 粹族弟損，字子騫，衛將軍毅從父弟也。父鎮之字仲德，以毅貴，歷顯位，閑居京口，未嘗應召。常謂毅：「汝必破我家。」毅甚憚之，每還京，未嘗敢以羽儀人從入鎮之門。左光祿大夫徵，不就。元嘉二年<sup>[425]</sup>，年九十餘，卒於家。損，元嘉中歷職義興太守。東土殘饑，太祖遣揚州治中沈演之東入賑卹，以損綏撫有方，稱為良守。官至吳郡太守，追贈太常。

史臣曰：帝王受命，自非以功靜亂，以德濟民，則其道莫由也。自三代以來，醇風稍薄，成功濟務，尊出權道，雖復負扆南面，比號軒、犧，莫不自謝王風，率由霸德。**高祖**崛起布衣，非藉民譽，義無曹公英傑之響，又闕晉氏輔魏之基，一旦驅烏合，不崇朝而制國命，功雖有餘，而德未足也。是故王謚以內懼流奔，王綏以外侮成釁，若非樹奇功於難立，震大威於四海，則不能承配天之業，一異同之心。義熙以後，大功仍建，自桓溫旄旆所臨，莫不獻珍受朔。及**金墉**請吏，元勳將舉，**九命**之禮既行，代終之符已及，方復觀兵函、渭，用師天險，獨克之舉，振古難稱。若使閉門反政，置兵散地，後敗責其前功，一眚虧其盛業，豈復得以黃屋朱戶，為衰晉之貞臣乎。及其靈威薄震，重關莫守，故知英算所苞，先勝而後戰也。**王鎮惡**推鋒直指，前無強陳，為**宋方**叔，壯矣哉！

←044 卷四十四 列傳第四 謝晦

目錄

046 卷四十六 列傳第六→



### 籍海淘浪是什么

「籍海淘浪」是一个将古籍中的专有名词标注出来，使文本更易读，并希望依靠大家的慧眼，将主题鲜明的片段摘录出来，让更多人发现古籍之「有料、有趣、有用」的平台。

**一个已标注专词的古籍文本库：**籍海淘浪定期发布精校、已标注专词的古籍，并提供划词字典、划词维基等工具。利用专词、词典、维基，读者无需注释、译文，即可比较流畅地阅读，不再有「瞻前顾后」、被干扰阅读的烦恼。

**一个面向话题的笔记创作、分享社区：**籍海淘浪提供了易用的工具，方便读者创作摘录笔记：拖选文本 + 点击「划线」按钮即可快速收藏文本片段；有所感时，只需拖选相应文本，填写标题、标签、评注，即可发布一篇主题摘录，并可在摘录页面与同好互动讨论。您还可导出自己的收藏和创作，留作方便温习、分享的笔记本。

### 以下功能仅线上版本可用

- 划词查字典、查维基；
- 点击专词，获取纪年、帝王、政权详情的历史信息面板；
- 全部关键词统计，关键词跳转、导航浏览；
- 片段收藏、做摘录笔记、主题讨论；
- 文档、段落热力标识，源出、衍生、事论等关系的文档网络；
- 个人阅读管家；
- 文本修订工具；
- 标注修订工具，可纠正标注的错、漏，并提交新标注；
- 全文繁简转换；
- 提交文档需求、功能需求、意见建议等；
- 更多待你发掘……

发现『有趣、有料、有用』的古籍



文档标注日常修订、更新中，您看到的版本可能已经陈旧，请访问页眉链接查看最新版本，欢迎在线上为更好的标注增砖添瓦！